

## SYMBOLAE AD MYCOLOGIAM FENNICAM.

AUCTORE

P. A. KARSTEN.

### VII.

(Societati exhibitum die 6 Martii 1880.)

*Amanitopsis vaginata* (Bull.) Roz. \* *Am. friabilis* Karst. Hattsv., p. 547.

Pileus e convexo explanatus, tenuis, verrucis vel squamis latis, inaequalibus, confertis obtectus, subviscidus, cinerascens, margine membranaceo, pectinato-sulcato, 4—8 cm. latus; stipes medulla spongiosa fartus, conico-attenuatus, undique floccoso-squamosus, cinereus vel albidus, 6—9 cm. longus, apice 0,5—1,5 basi 1—3 cm. crassus; volva tota friabilis, in squamas vel verrucas oblitterata; lamellae liberae, rotundatae, confertae, albae, acie primitus saltem obscuriores (cinerascentes) et flocculoso-crenatae, sporaesphaeroideae, diam. 11—21 mmm.

Locis humidiusculis alnetorum prope vicum Heinämaa paroeciae Tammela fine m. Oct. copiose lecta. Catervatim nascitur.

Ab *Am. vaginata* differt: magnitudine minori, volva, more *Am. rubescentis*, mox in squamas pilei oblitterata nec non pileo squamis undique tecto.

*Lepiota lignicola* Karst. Hattsv., p. 547.

Pileus carnosus, e convexo expansus, albido-vel lutescente ferrugineus, squamis concentricis, densis, erectis, innatis, ferrugineis squarrosus, ad marginem fimbriatum versus fibrosus, circiter 7 cm. latus; stipes aequalis, basi subbulbosus, curvatus, infra anulum obsoletum, floccosum, inferum to-

mento denso, facile deteribili, ferrugineo, squamoso subsquarrosus, superne adpresse tomentellus, concolor, circiter 6 cm. longus et 1,5 cm. crassus, basi crassior; lamellae leviter adnexae vel liberae, confertissimae, albae, acie crenulatae; sporae sphaeroideo-ellipsoideae, longit. 4—5 mmm., crassit. 3—4 mmm.

In ramis arborum frondosarum putridissimis semel m. Sept. prope Mustiala observata.

Primo obtuitu pro *Pholiota squarrosa* facile sumitur.

*Tricholoma albobrunneum* (Pers.) Fr. \**Tr. irregulare* Karst. (Subspec. nov.).

Pileus carnosus, e conico-convexo expansus, valde irregularis, repandus, flexuosus, undulatus, viscidulus, fibrilloso-virgatus vel innato-squamulosus, pallescens, in fulvo-rufum leviter vergens, usque ad 10 cm. latus; stipes subcavus, aequalis, adscendens, curvatus, undulatus, albus, apice flocculosus, siccus, intus concolor, 6—9 cm. longus, 1,5—3 cm. crassus; lamellae emarginatae, confertae, albae, demum rufescenti-vel fusco-maculatae; sporae sphaeroideo-ellipsoideae, longit. 3—4 mmm., crassit. 2—3 mmm.

In pineto ad viarum latera, ad Mustiala, autumnno seniori, parce lectum. Dense caespitosum.

Admodum nobilis, forte tamen tantum varietatem *Tr. albobrunnei* sistens, a quo praecipue odore gravi farinae coloreque pallidiori recedit.

*Tr. patulum* Fr. \**Tr. Conradii* Karst. Hattsv., p. 584.

Pileus carnosus, margine tenuis, e convexo expansus, repandus, subumbonatus, udus, laevis, glaber, lividopallens, carne primitus compacta, dein spongiosa, 5—7 cm. latus; stipes solidus, carnosus-fibrosus, aequalis, rectus vel flexuosus, laevis, glaber, apice subtiliter puberulus, albus, 4—5 cm. longus, 1—1,5 cm. crassus; lamellae descendentes, adnato-emarginatae, subinde decurrentes, confertae, distiuctae, ex albido pallidae.

Locis apricis, aridis in pinetis circa Mustiala autumnno seniori nunc solitarium, nunc subcaespitosum.

Odor nullus. *Trich. patulo* maxime affine, at minor, lamellis descendentibus, distinctis, neutiquam venosis.

*Cortinarius phaeophyllus* Karst. Hattsv., p. 390.

Pileus subcarnosus, e convexo expansus, umbonatus, omnino laevis, e velo circa marginem primitus sericeus, glaber, aqrose cinnamomeus, siccus ochraceus et nitidus, 3—5 cm. latus; stipes e faretto cavus, rigidus, tenax, firmus, aequalis, vulgo flexuosus, leviter fibrilloso-sericeus, albidopallens, siccus inlutescentem vergens et nitidus, usque ad 10 cm. longus, 5—7 mm. crassus; cortina fibrillosa, lutescens, fugax; lamellae adnatae, subdistantes, crassiusculae, ventricosae, distinctae, brunneo-cinnamomeae, margine melleo primitus subtiliter crenulatae; sporae ellipsoideae, longit. 7—9 mmm., crassit. 4—5 mmm.

Locis graminosis, umbrosis, silvaticis prope Mustiala initio m. Aug. legit *Omni Karsten*.

Inodorus. Dense gregarius. Stipes basi demum putredine umbrino-nigrescens. Lamellae primitus melleae? Caro albida, stipitis demum fuscescens. Cort. isabellino proximus.

*Cortinarius urbicus* Fr. \**C. arvalis* Karst. Hattsv., p. 364.

Pileus carnosus, convexo-planus, repandus, flexuosus, marginem versus primitus fibrillosus, demum glabratus, saepe squamulosus, vix hygrophanus, fusco-vel rufopallens, adultior alutaceo-vel testaceopallens, circiter 6 cm. latus; stipes solidus, aequalis vel inferne leviter incrassatus, albidus, e cortina fugaci, alba fibrillosus, apice primitus albovillosulus, junior 2 cm. altus et crassus, demum elongatus, 4—5 cm. longus, circ. 1,5 cm. crassus; lamellae subdistantes, descendentes, adnato-emarginatae, latae (circ. 5 mm.), crassiusculae, aqrose cinnamomeae vel ferrugineae; sporae longit. 9—10 mmm., crassit. 5—6 mmm.

In nemoribus, locis cultis, umbrosis ad Helsingforsiam fine m. Sept. parce legimus.

Caro, praecipue stipitis, e lilacino albida. Odor et sapor nulli.

*Cortinarius leucophanes* Karst. (Spec. nov.).

Pileus carnosus, tenuis, convexus, aequalis, regularis, viscosus, albus, laevis, glaber, 3—3,5 cm. latus; stipes deorsum

vulgo incrassatus, basi attenuatus, e cortina fugaci primitus subfibrillosus, demum glaber, albus, circiter 3,5 cm. longus, 6—7 mm. crassus; lamellae adnexae, rotundatae, confertae, pallide ochraceae; sporae sphaeroideo-ellipsoideae, uniguttulatae, flavescentes et diaphanae (sub micr.), longit. 5—6 mmm., crassit. circiter 4 mmm.

Locis aridis pinetorum prope Mustiala, m. Sept., par-  
cissime obvius.

*Simocybe? flacca* Karst. (Spec. nov.).

Pileus subcarnosus, conico-campanulatus, umbonatus, glabratus, alutaceo- vel helvolo-cinnamomeus, 1,5 cm. latus; stipes fistulosus, cartilagineus, aequalis, pileo pallidior, deorsum subumbrinus, albidofibrillosus, 6—7 cm. longus, 1—1,5 cm. crassus; lamellae adnatae, mox liberae, subconfertae, concolores, latae (3 mm.); sporae subellipsoideae, inaequilaterales, utrinque leviter attenuatae, uniguttulatae, flavae, diaphanae (sub micr.), longit. 9—11 mmm., crassit. 5—6 mmm.

Inter muscos in pinetis in agro Mustialensi exeunte m. Sept. 1879 semel nobis obvia.

Odor nullus. Cutis stipitis vulgo fibris tortis contexta.

*Tubaria anthracophila* Karst. Hattsv., p. 444.

Pileus carnosulus, e convexo expansus, irregularis, repandus, flexuosus, siccus, udus margine pellucide striatus, helvolo- vel ferrugineo-cinnamomeus, squamis albis, concentricis, secedentibus circa marginem ornatus, siccus expallens, 2—4 cm. latus; stipes e farcto cavus, aequalis vel superne incrassatus, flexuosus, curvatus, interdum tortus, demum saepe compressus, ferrugineo-pallidus, albedo-fibrillosus, apice subnudus striatulusque, basi albavillosus, 2—4 cm. longus, 3—5 mm. crassus; lamellae adnatae, subconfertae, nunc medio, nunc postice latissimae, acie inaequales, saepe dentatae et flocculoso-crenatae, primitus pallidae, tandem pileo concolores; sporae pallide ferrugineae, late ellipsoideae, longit. circiter 6 m., crassit. 3—4 mmm.

Ad carbones in regione Mustialensi m. Sept. 1878 et 1879 copiosissime lecta.

*Psilocybe simulans* Karst. Hattsv., p. 508.

Pileus submembranaceus, e conico-convexo expansus, vulgo obtuse umbonatus, glaber, aqvo ferrugineus, margine pallidiore, in melleum vergente, pellucide striatulo, primitus incurvo, siccus luteofulvus, 1 cm. circiter latus; stipes fistulosus, tenax, flexilis, aequalis, flexuosus, curvatus, adscendens, laevis, glaberrimus, nudus, sublubricus, nitens, spadiceus, apice pallidior, 2—3 cm. longus, circiter 1 mm. crassus; lamellae adfixae, secedentes, confertae, semicirculares, ex albido pallide melleae, in cinerascens vel obsolete olivascentem vergentes, demum subcinereae; sporae ovoideae, pellucidae (sub micr.) longit. 4—6 mmm., crassit. circiter 3 mmm.

Haec, cum *Omphalia campanella* quodammodo analogae, species lecta in agro Mustialensi ad ligna vetusta, loco uliginoso jacentia muscisque oblecta, m. Sept.

*Coprinus Spegazzinii* Karst. Hattsv., p. 549.

Pileus tenerimus, e cylindraceo vel ovali expansus (haud revolutus?), primitus arachnoideus et laevis, mox nudus et, disco excepto, fissus, sulcatus et hians, cinerascens, 2 cm. altus, demum 3 cm. circiter latus; stipes fistulosus, deorsum leviter incrassatus, basi radice fusiformi circiter 1 cm. longa caudatus, adpresse sericeus, albus, 7 cm. circiter longus, 2, inferne 3 mm. crassus; lamellae liberae, confertae, lineares, e fusco nigricantes; sporae ellipsoideae, semipellucidae (sub micr.), longit. 9—12 mmm., crassit. 5—6 mmm.

In olla, in qua Cannae colebantur; mensi Januarii semel paucis speciminibus lectus.

*Physisporus vitellinus* Karst. (Spec. nov.).

Receptaculum elongato-effusum, adhaerens vel subadnatum, tenuissimum, margine puberulo, glabrato, subflavo, usque ad 2 dm. longum atque 5 cm. latum. Pori stipati, integri, aequales, rotundati, stratosi, vitellini, opaci, minimi.

Ad ligna vetusta Alni incanae prope pagum Heinamäi paroeciae Tammela semel m. Sept. 1879 lecta est haec elegans species. Physisporo proximus, at clare distinctus.

*Gautiera graveolens* Vitt. a beat. H. A. Kullhem ad

vicum Hykkilä par. Tammela nonnullis speciminibus m. Sept. lecta.

*Byssonectria* Karst. (Gen. nov.).

Perithecia stromate byssino, effuso, connexa, ceteroquin, sicut etiam asci et sporae, Nectriellae; paraphyses numerosae.

*B. obducens* Karst. (Spec. nov.).

Perithecia aggregata, saepe confertissima, bysso albido insidentia, subconoidea, demum vertice collapsa, glabra, ochraceo-pallentia,  $\frac{1}{4}$ — $\frac{1}{3}$  mm. diam.; asci cylindracei, 150—165 mmm. longi, circiter 15 mmm. crassi; sporae oblique monostichae, ovals, apicibus acutatae, simplices, hyalinae, eguttulatae, longit. 14—15 mmm., crassit. circiter 7 mmm.; paraphyses 3 mmm. crassae.

Supra muscos aliaque corpora fine m. Sept. 1876 prope Mustiala detecta.

*Sphaeria imitans* Karst. in Meddel. af Soc. pro Faun. et Flor. fenn. Andra Häft. (1878) a *Sphaeria hydrophila* fere tantum sporis majoribus differt itaque ut species propria non consideranda est.

*Peridermium corruscans* Fr. In paroecia Tammela aestate anni 1879 Abietem excelsam infestabit haec rarissime lecta species.

Forte a *Peridermio* abietino (Alb. & Schw.), cum quo Beat. Fries in Summ. Veg. Scand. p. 510 eum quoque conjunxit, haud diversum. Ab *Aecidio* abietino Reess, Die Rostpitzform, p. 98 et speciminibus, a Cel. Rabenhorst in Fung. eur. II, sub 895 et 895<sup>b</sup> distributis, admodum differunt nec cum descriptione *Aecidii* corruscantis, a Cel. Reess l. c. data, haud omnino conveniunt specimina nostra. His sunt sporangia elongata, haud »cylindracea«, laxa, membranacea, congesta, albida, et sporae aureae, subsphaeroideae, diam. 21—28 mmm., aut late ellipsoideae, longit. 29—33 mmm., crassit. 18—27 mmm.

Mustiala, m. Decembri 1879.

